



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXXVI.

urn:nbn:de:hbz:466:1-11453

ricus autem contra eum magis ac magis inualuit: Nam Triueltz & Landeskrone, quæ vsque in eum diem pro Ottone senserant, vi cepit, anno XV. post. MCC. à nato Christo.

CAPVT XXXVI.

Quo tempore rex Danie & Waldemarum multis nauibus per Albim transiens in Stadium, quod prius Waldemarum episcopus occupauit, cogitabat opprimere: Sed prohibebat Palatinus Ottonis frater, ita ut tum infecto negotio rex frustratus redire cogeretur. Imperator autem cum fratre, & Ottone marchione de Brandenburgo, & Waldemaro episcopo obsedit Hamburgum. Ciues cum regi Danorum parerent, magis tamen assicerentur Adolpho iuniori comiti, facile cesserunt tantis viribus. Sequenti tamen anno seruabat rex Danie tempora, cum Albi glacie indurata esset: Qua occasione traiectis per glaciem copijs, ad Stadium peruenit oppugnandum, ut extruderet Waldemarum episcopum regni sui insidiatorē: Sed cum gelu laxato, glacies quoque cepit flaccescere, timens rex ne regressu intercluso fame laboraret in hostica terra, reduxit exercitum: & omnes vires in recuperandum oppidum Hamburgum conuertit, quod priori anno Saxones occupauerunt. Iam in id roboris primum coaluerat, ut regem, quod antea non potuit, sustineret oppugnantē: fame curabat perurgere, cum rex subitus ad Albim erigeret presidium. Extat locus in parochia diui Nicolai, (Vrbē nouā vocāt) in quo tum arcē à rege firmatā crediderim. Angustum enim oppidum, propter diui Petri parochiā, tū aut parū, aut nihil inclusit: nā reliquæ partes illi postea accessere. Supra verò oppidum ad partē oriētis Albertus Nordalbingia comes, quē rex fecit Adolpho III. succedere, (comes is erat de Orlemunde, tertij

de, tertij Adolphivterinus frater) & ipse fortalicium erexit, prohibendis inuentionibus rerum necessariorum. Afflicti autem fame, & cum non cernerent qui eximeret eos calamitate, pacti libertatem, regi se dederunt. Interim Stedingi, qui hactenus Waldemarum episcopum defensauerant, Gerharδο se archiepiscopo coniunxerunt, & Bremenses cum Waldemaro impugnaverunt: Contra quorum impetus Bremenses Henricum Palatinum Ottonis fratrem inuitant. Idem quoque Gerhardus, ut Waldemarum episcopum excluderet, adiutus ab Alberto memorato comite, arcem & presidium ad Zwingham fluvium erigit: Sed Henricus Palatinus pro Waldemaro & Bremensibus sentiens deiecit. Proximo tamen anno ipsi Bremenses iam malorum pertasi, iuncti Stedingi, Gerhardum archiepiscopum suum introducunt, excludunt Waldemarum. Imperator autem Otto cum fratre Henrico, Bremensem parochiam ferro & igne inuadunt, cum Waldemarum, cui studerent, cernerent excludi.

CAPVT XXXVII.

Albertus comes Nordalbingiae nauigat in Liouoniam, pugnaturus aduersus infideles, quantum peregrinatio per singulos annos renouata, multum fructum afferebat in conuersionem gentium: quae pro durtia nationis, non nisi armis potuit ad iustitiam flecti, procurante Alberto Liouoniensi episcopo: qui per annos triginta, continuata nauigatione, peregrinos portat atque reportat, duces, comites, pontifices, prelatos, milites, militares, equites, peditesque, ciues, mercatores, qui zelo deuotionis accensi, fatigari non poterant, quando superesset quod ageretur. Sed interim Otto Imperator cum magnis diu laboribus per annos penè viginti in regno & Imperio laborasset, nihil adeo sensit infortunatum,